

წვიმაში მომღერალნი ასაკობრივი - U

წარდგენა:

"წვიმაში მომღერლები" გვიყვება კინოს ისტორიაში ერთ-ერთ ყველაზე მნიშვნელოვანი რევოლუციის, კინემატოგრაფში ხმის მოსვლის შესახებ. სიუჟეტის ცენტრში ორი მსახიობია: ერთი დამწყები, მეორე კი - კინოვარსკვლავი. მათ, ისევე როგორც მთელ ჰოლივუდს გაერთიანებს ხმოვანი კინოს შიში და გაურკვევლობა, რაც ახალმა დროებამ ყველასთვის მოულოდნელად მოიტანა. ასეთი კარდინალური გარდაქმნების პარალელურად ფილმში სასიყვარულო ისტორია ვითარდება, რომელიც წარმოაჩენს ჰოლვუდის მეორე, ასე ვთქვათ, "ყვითელ მხარესა" და ვარსკვლავებს შორის არსებული ინტრიგების მთელ კასკადს. დამწყები მსახიობი ქეთი ეწირება ერთ-ერთი ასეთი ვარსკვლავის გავლენას, თუმცა მისი ნიჭით მოხიბლული ჰოლივუდის სხვა მესვეურები გადაწყვეტენ ქეთის დახმარებასა და უსამართლობის გამოაშკარავებას.

საინტერესო ფაქტები ფილმის შესახებ :

კინოს ისტორიაში ერთ-ერთმა ყველაზე გამორჩეულმა მიუზიკლმა "წვიმაში მომღერლებმა" ვერ გაიმარჯვა ოსკარების საუკეთესო მუსიკის ნომინაციაში.

თემები დისკუსიისთვის:

- რამდენად მნიშვნელოვანი იყო კინოში ხმის მოსვლა და რა სირთულებთან იყო ეს დაკავსირებული?
- ხშირად, მაყურებლის კერპები საერთოდ არ გამოირჩევიან ნიჭიერებით, თუმცა პუბლიკას ისინი მაინც უყვარს. რა არის ამის მიზეზი?
- ქეთიზე განხორციელებული უსამართლობა წარმოაჩენს თუ არა ძალაუფლების სიმახინჯეს?

დაწერეთ რეცენზია ფილმზე "წვიმაში მომღერლები"

"წვიმაში მომღერლები" გვიყვება ერთ-ერთი ჰოლივუდური სასიყვარულო ისტორიის შესახებ, თუმცა ფილმი მთელი ღირსება იმ ატმოსფეროს გადმოცემაშია, რაც კლასიკური ჰოლივუდის პერიოდში სუფევდა. ყურადღება უნდა გაამახვილოთ კინოში ხმის მოსვლის ფაქტზე და იმ ცვლილებებზე რაც მას უკავშირდება. ასევე მნიშვნელოვანია კინოვარსკვლავების ფენომენის განმარტება, როგორ გესმით ის, ასევე რა განაპირობებს რიგითი ადამიანის ვარსკვლავის რანგში აყვანას, რომელსაც განუსაზღვრელი ძალაუფლება ენიჭება.

რეკომენდაცია:

2016 წელს ეკრანებზე გამოსული გახმაურებული მიუზიკლი [ლა ლა ლენდი](#) დიდწილად "წვიმაში მომღერლების" სიუჟეტს იმეორებს. თუკი თქვენ გიყვართ მიუზიკლები კინოს ისტორიის შესახებ, შეგიძლიათ ნახოთ: [ცხრა](#) და [გზად ჰოლივუდისაკენ](#).